

905180



20
23

J. F.

LIBRORUM SACRORUM
VETERIS TESTAMENTI
Ex Hebraicâ in Græcam lingvam
TRANSLATIO
A
SEPTUAGINTA DUOBUS IN-
TERPRETIBUS,
curâ & impensis
PTOLEMÆI PHILADELPHI
Regis Ægyptiorum,
suscepta & absoluta,
IN ACTU VIRLINGIANO
GYMNASII MAGNALENÆI,
An. Chr. M DC LXVIII,
a. d. 8, Martii, hor. antemer.
celebranda,
ductu
M. Johannis Fechneri.

VRATISLAVIÆ,
In Hæredum Baumannianorum Typographiâ
exprimebat Joh. Christoph. Jacobi.

Lecturis plurimam dico salutem.

Acte liquorem Pieris caballinum,
Quem fabulosus funditat latex Cyrrhæ,
Senex ut olim somniavit Ascreus.
Nos, qui salutis diximus sacramentum
Christo satori, militare vexillum

Crucis secuti sospitis, levi vatum
Nugantium choro relinquimus pagi
Putres lacunas luridamque Pirenæ.

Præstat Sionis lympidissimos fontes
Et Israelis rivulos salutares
Libare, cœni qui nihil trahunt spurci,
Semper-tenaces puritatis integræ.

Hic Callicrene Mosis exerit labrum
Plenum, scaturrit hic liquor Prophetarum
Verendus, ex quo melle dulcior dulci
Promanat humor Spiritusque cœlestis
Vocalis unda, potionē quæ pectus
Ægrum salubri recreatque sanatque.

Hausere Patres hinc aquam sibi vitæ
Perennis, hausit inclyti nepos Judæ
Et natio in pecullium Dei lecta.

Sed non Hebræos imbuit Deus solos
Vivace lymphâ & voce, quæ beat cœlo.
En evagantur latius Sionæi
Claudi paterno nescii solo fontes,
Et profuentis instar amnis effusi,
Orbem peragrant, & remota terrarum
Lustrant fluento jugiter redundantem.

Qualis tumente Nilus alveo lapsus

905180

II

Spretique

Spretique littoris crepidines rumpens,
Torrentis undæ vim per arva dimitit,
Ac rura latè perrigat Canopéa:
Talis refusum fontibus Palæstinis
Gentes inundat flumen entheum Judæ.

Nempe (ut remoto, res quod est, loquar peplo)
Mundi parens ter optimus suum verbum,
Manu ministrâ Mosis & Prophetarum
In litterasque codicesque congestum,
Communicavit liberaliter cunctis
Terræ colonis, plurimasque transfundit
Ex Israelis fonte gentium in lingvas
Curavit, ad consortium vocans sanctæ
Sionis omnes orbis incolas lati.

Quis explicare copiam valet densam
Translationum, quæ dedere pandectas
Legis sacræ nec non propheticî verbi
Libros legendos nationibus terræ,
Quascunque vultu lustrat igneo Titan?

Sed Græca in illis eminet, velut flamas
Inter minores Noëtiluca regina.
Hoc munus orbi contulit nepos Lagi
Ter inclytus decusque splendidum Regum,
Quos dives olim protulit Phari tellus.

Vocavit hic è gente septies denos
Senes Hebræâ, quos volumen arcanum
Legum Jehovæ & codices Prophetarum
Græcanicam transferre jussit in lingvam.

O prædicandum encomio satis nullo
Opus! Superba quid crepas, dicax Memphis,

Sepulcra Regum? Nulla pyramis, nulla
Educta ad altas ætheris domos moles
Par gloriose est mnemati, quod exstructum
Interpretum labore septies denūm.

Hæc Bibliorum gaza sacra Græcorum
Non Lagidæ tantum auxit oppidò lautam
Struem librorum nobilemque flavisam,
Quam regio sibi paraverat sumtu:
Orbem sed omnem fruge mactat ingenti
Verbi volumen entheum sacri Grajo
Sermone scriptum. Nonne quaslibet terræ
Hellas per oras artium parens felix
Colomias propaginesque dimisit?
Sic gens Jonum culta barbaris passim
Admixta lingvæ traduces suæ mites
Mundum per omnem proferebat ubertim.
Sic nationum nulla non, ab excelsa
Quas axe lucis autor igneus spectat,
Intelligebat Atticæ sophos Pithûs.

Quis explicare laude pos sit humanâ
Benignitatem maximam Patris summi,
Grajæ loquellæ qui potissimum dulci
Commercio dignatus est sacrum gentes
Vagas vocare ad contubernium Semi?

Nox occupabat querquero tenebrarum
Solum salumque peplo, & umbra lethæis
Emissa claustris distinebat errantes
Græcos, repente clara cum pharos turri
Ex eminente promicans, novum lumen.
Diffundit & lucerna cœlitis verbi.

Iter salutis mite gentibus cæcis
Sparsisque monstrat. Sed phari quid accensum
Cantare lumen sumo, no[n]cē sublustrī
Quod eminus fulgescit, ignis ut crispus
Ursæ minoris sub polo? Ecce Matuta
Exorta plenam nunciat diem mundo,
Splendetque solis aureum jubar: Nempe
Evangelij præconium salutaris
Sparsum per orbem plurimis fuit lingvis.

Sed Græca sola digna Flamini sancto
Apostolisque visa, facta quæ Christi,
Et quæ salutis edocent viam, dicta
Vivace scripto in publicam daret lucem.

Quid ergo cessas, ô juventa, Græcorum
Adire fontes Bibliorum, & heminis
Haurire plenis lympidas aquas vitæ?
Quid luce spernis & die frui clarâ,
Scripto Jehovæ quæ refulget in verbo?
Nil svavius, nil fructuosius certè est,
Quam cum Prophetis cumque Apostolis sanctis
Loqui Pelasgæ voce fertili Svadæ.

Et hoc monere luce crastinâ nobis
Sedet, docere litteras quibus Græcas
Evergetarum autoritate mandatum.

At excitari disserantium fervor
Favore querit audientium prompto.
Proinde Vos hic Choliambus accedit,
Magni Patroni candidig Fautores,
Submissione debitâ rogans, nostri
Ut haut gravatim visere ad lares ludæ

*Velitis, ac industriam juventutis
Vestri sereno provocare conspectu
Oris. Supremum voce suppluci Numen
Precamur, ut vos sospites diu servet
Beetz sorte cælitus perennanti.*

Prop. publ. a. d. 7. Martii A. C. 1668,

Consignatio Rerum & Personarum.

*Cogitanti mihi pronuper, quo de argumento potissimum in Actu
Virlingiano, qui hac anni tempestate in Magdaleneo nostro erat
adornandus, differendum esset, commodum occurrebat Versio
LXX. Interpretum, qui sacros & canonicos V. T. libros ex lingua
Hebraicâ in Græcum sermonum Ptolemæi Philadelphi Regis
Ægyptiorum provocati liberalitate, transfuderunt. Nihil enim
ad studium Græcae linguae juventuti commendandum (quem in
finem hujusmodi Actus haberi consuerit) magis visum est con-
gruum, quam laudare Græcam istam sermonis prophetici Inter-
pretationem, quam ipse Spiritus Sanctus tanto dignatus est hono-
re, ut ex 232. Vaticiniū Testimonisq; sacris, quæ in N. T. alle-
gantur, pleraq; iisdem prorsus, quæ in Versione LXX. leguntur
verbis θεοπνεύσοις Evangelistarum Apostolorumq; Scriptis fuerint
inserta. Hanc διοφωνίαν D. Irenæus (lib. 3.) annotavit; Apo-
stoli, inquiens, consonant Interpretationi, & Interpre-
tatio consonat Apostolorum traditioni. *Hoc*
certè, non sine Numine factum: Unus enim & idem Spi-
ritus Dei (addit ibidem Irenæus) qui in Prophetis prædixit,
& in Senioribus interpretatus est, quæ prophetata fuerant.
Hinc D. Hieronymus (præfat. in Paralip.) Spiritus S. affla-
tu 70. ex Hebræis ista transtulisse oit. Quapropter D. Augu-
stinus (in de C. D. lib. 15. c. II.) hanc Versionem omnibus aliis
anteferendam esse copiose docet, eaq; in sententiâ præter Hierony-
*mum**

mum & Irenæum jam laudatos, οὐόψηφον habet Clemencem
Alexandrinum, qui assertioni huic evidentem rationem addens
ait: Consilium Dei singulare fuit, qui ad Græcas aures
(εἰς ἐλληνικὰ αὐτοῖς) illa præparaverat. (lib. 1. Strom. Reverā
enim Deus operā Interpretationis hujus Græcæ Græcos, quorum
lingua eo tempore, quo in lucem prodiit, apud omnes ferè orbis
nationes erat usitata, ad consortium Israelis & Ecclesiæ convo-
care voluit, quem in finem etiam deinceps Evangelium Jesu
Christi Græco sermone ab Apostolis fuit prescriptum. Meritò
itaq; Biblia Græca juventuti commendo, usurpans mibi hæc D.
Augustini (Tom. 2. ep. 1.) verba: Præcipue Apostolorum
lingvas exhortor ut legas, ex his enim ad cognoscendos
Prophetas excitaberis, quorum testimoniis utuntur Apo-
stoli.

In ipso verò Actu adornando Aristéx, qui à Ptol. Philadel-
pho ad Eleazarum principem sacerdotum super negocio interpre-
tationis procurando fuerat missus, narrationem historicam, cuius
præcipuam partem Josephus in lib. 12. c. 2. Antiq. Jud. tran-
stulit, sequi lubet, missis dubiis, quæ de autore, num ab Aistea
ipso, vel potius Hellenistis i. e. Judæis græcisantibus, historia
ista sit conscripta, & aliis, quæ Wowerius (in Syntag. de Græ-
ca Bibl. Vers.) perquisitè excusit. Ipsum opus sanctum cum
Bb. Patribus sine prologo galeato celebrare nobis sumimus, co-
ordine, quem sequens Elenchus designat.

Audientur,

1. Præceptor, ipsam Versionem LXX. Græcam Græco eoque brevi sermone ju-
ventuti commendaturus:
 2. Discipuli
1. Adolescentes de eadem, sine habitu scenico, fictis lices sub personis, disser-
turi, dialogis V.

In Primo de Interpretibus, qui Hebraicos de Legibus divinis libros in Græcum sermonem transferant, à summo sacerdote per legationem & epistolam regiam imperrandis consultabunt, Ptolemaeus Philadelphus Rex, (Johan. Ernestus Gussavius Dracoreus.)

Demetrius Phaleræus Bibliotheca regiae praefectus, Johannes Kurtzmannus Vratisl.)

Aristeas, primarius Regis minister, (Constant. Nathanael Guttermuth/ Dracor.)

Andreas, Regii corporis custos, [Georg. Sigismundus Nagel/ Jauranus.]

In Secundo de responsione ad litteras Regis & mittendis interpretibus conferent, Eleazarus, summus sacerdos, [Michael Gebhardus Sora-Lusat.]

Josephus, Interpretum primus [Sigismundus Cunradi Sora-Lusat.]

In Tertio Ptol. Philadelphi studium & munificentiam incondendā Bibliothecā & procurandā Liberorum sacrorum versione commendabunt,

Basilides, [Gotofredus Steudnerus Gryphorinus.]

Archelaus, [Johannes Albertus Crantzius Leorinus]

Cleomenes, [Adam Sigismundus Scultetus Vratislaviensis.]

Philemon, [Gotofredus Büttnerus Leorinus.]

In Quarto Scripturam sacram alternatim Graco serm. laudabunt,

Eusebius, [Christophorus Fribenius Landshutt.]

Timotheus, [Christianus Schauertus Lauba-Lusat.]

In Quinto Interpretationem LXX. Lat. serm. celebrabunt.

Uranius, (Andreas Goldbachius Vratislaviensis,)

Dorotheus, (Johan. Fridricus Droschelius Spremberga-Lusat.)

Theophanes, (Fridricus Geislerus Jauranus,)

Hierophilus, (Balthasar Stephani Bregensis.)

2. Pueri, Responsa Interpr. ad Questiones Ptol. Phil. potiora recitaturi.

Gotfrid Hermannus Vratisl. | Esaias Sauer.

David Gräbner Vratisl. | Johan. Gotfrid Albertus,

Abraham Nischelky Lesnen. | Daniel Gritsch/ | Vratisl.

Jacobus Fidlar Vratislav. | Samuel Rinder/ |

| Daniel Leupoldt/ |



